

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-10691-22/22
17. marta 2022. godine
Sarajevo

Premijer
Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. stav (3) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22), Vlada Kantona Sarajevo, na 69. sjednici održanoj 17.03.2022. godine, donijela je

ZAKLJUČAK

1. Odobrava se preraspodjela sredstava u Budžetu Kantona Sarajevo za 2022. godinu u iznosu 7.500 KM, i to:

Raz	Glava	Potr. jed.	Ekonom. kod	Subanalitika	Funkcija	OPIS	Iznos u KM
						Na razdjela	
21	01	0001				Ministarstvo za odgoj i obrazovanje Kantona Sarajevo	
						Na ekonomskog koda (izvor 10)	
21	01	0001	6143	LAN0Q7	092	Tekući transferi neprofitnim organizacijama - srednje obrazovanje	7.500
						Na razdjel	
13	02	0001				Javna ustanova "Fond Memorijala Kantona Sarajevo"	
						Na ekonomski kod (izvor 10)	
13	02	0001	6139	DBK003	082	Izrada prezentacionih materijala Fonda	7.500

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-10691-21/22
17. marta 2022. godine
Sarajevo

Premijer
Edin Forto, s. r.

Premijer Vlade Kantona Sarajevo

Na osnovu člana 10. stav (4) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22) i člana 6. Uredbe o dodjeli transfera neprofitnim organizacijama i pojedincima iz budžeta Kantona Sarajevo ("Službene novine Kantona Sarajevo", broj 22/21), premijer Kantona Sarajevo donosi

ODLUKU

O ODOBRAVANJU KORIŠTENJA SREDSTAVA IZ TEKUĆE REZERVE BUDŽETA KANTONA SARAJEVO ZA 2022. GODINU

I

Iz Tekuće rezerve Budžeta Kantona Sarajevo za 2022. godinu, ekonomski kod 600000, odobrava se izdvajanje sredstava Kabinetu premijera Kantona Sarajevo, razdjel 11010001, u iznosu od 25.000,00 KM (dvadeset i pet hiljada konvertibilnih maraka), radi doznačavanja istih Udruženju Jazz Fest Sarajevo, a u svrhu pokrivanja dijela troškova međunarodne muzičke konferencije Beyond Europe Sarajevo 2022, u organizaciji Jazz Network i Jazz Festa Sarajevo, na ekonomski kod 614300 - Transfer neprofitnim organizacijama.

II

Sredstva iz tačke I ove odluke uplatit će se Udruženju Jazz Fest Sarajevo, ul. La Benevolencija br. 14, ID broj: 4200535340009. broj transakcijskog računa 1610000021700075, otvoren kod Raiffeisen banke d.d. Sarajevo.

III

Korisnik sredstava iz tačke I Odluke obavezan je dostaviti izvještaj o namjenskom utrošku sredstava sa odgovarajućom dokumentacijom u roku od 15 dana od dana utroška sredstava.

IV

Za realizaciju ove odluke zadužuje se Ministarstvo finansija i Kabinet premijera Kantona Sarajevo.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02/01-11-10915/22

18. marta 2022. godine
Sarajevo

Premijer
Edin Forto, s. r.

Ministarstvo unutrašnjih poslova Kantona Sarajevo

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 133. stav (2) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), čl. 133. tačka m) i 87. stav (1) Zakona o policijskim službenicima Kantona Sarajevo ("Službene novine Kantona Sarajevo", br. 25/06 i 4/08), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O STAVLJANJU VAN SNAGE PRAVILNIKA O DODATKU NA PLAĆU ZA POSEBNE UVJETE RADA

Član 1.

(Predmet)

Ovim pravilnikom stavlja se van snage Pravilnik o dodatku na plaću za posebne uvjete rada broj 01-572/08 od 30.05.2008. godine i broj 01-291/13 od 08.05.2013. godine.

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-7-04-1492/22

02. marta 2022. godine
Sarajevo

Ministar
Admir Katica, s. r.

Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), čl. 59., 60., 61., 62. i 65. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18), čl. 32. i 34. Zakona o hraniteljstvu u Federaciji Bosne i Hercegovine ("Službene novine Federacije BiH", broj 19/17) i čl. 12., 13., 148. i 170. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst, 38/16, 44/17, 28/18 i 52/21), ministrica za rad, socijalnu politiku, raseljena lica i izbjeglice Kantona Sarajevo donosi

INSTRUKCIJU**O IZNOSIMA NOVČANIH DAVANJA PO ZAKONU O
SOCIJALNOJ ZAŠTITI, ZAŠTITI CIVILNIH ŽRTAVA
RATA I ZAŠTITI PORODICE SA DJECOM****I - OSNOVNE ODREDBE**

Član 1.

- (1) Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21) (u daljem tekstu: Zakon) je prosječna neto plaća ostvarena u Kantonu Sarajevo u prethodnoj (2021) godini pomnožena sa odgovarajućim koeficijentom, koja prema Odluci o visini koeficijenta za obračun prosječne neto plaće ostvarene u Kantonu Sarajevo u 2021. godini donesenoj od strane Vlade Kantona Sarajevo, broj 02-04-9141-30/22 od 10.03.2022. godine iznosi 750,00 KM (u daljem tekstu: prosječna neto plaća). Izuzetno, kada se u pitanju hraniteljska naknada i naknada za izdržavanje hranjenika, novčana naknada plaće ženi majci u radnom odnosu i novčana pomoć ženi majci koja nije u radnom odnosu, osnov za utvrđivanje ovih novčanih iznosa je prosječna plaće u Federaciji Bosne i Hercegovine za prethodnu godinu koja se utvrđuje na osnovu posljednjeg objavljenog statističkog podatka Federalnog zavoda za statistiku za prethodnu godinu.
- (2) a) Osnov za utvrđivanje novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina je Odluka o utvrđivanju osnovice za određivanje visine mjesečnih novčanih naknada korisnika boračko-invalididske zaštite u Federaciji Bosne i Hercegovine (invalidnina), za 2021. godinu ("Službene novine Federacije BiH", broj 21/21) i iznosi 867,50 KM;
- b) Osnovica iz tačke a) mjesečno se usklađuje sa koeficijentom za usklađivanje visine mjesečnih novčanih primanja korisnika boračko-invalididske zaštite u Federaciji BiH, koji donosi Vlada Federacije BiH;
- c) Osnovica za obračun novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina obračunava se u visini od 70% mjesečnih novčanih primanja korisnika boračko - invalidske zaštite u Federaciji BiH i iznosi 607,25 KM, a utvrđuje se na slijedeći način:
- Osnovica za korisnike boračko - invalidske zaštite = 867,50 KM,
 - Koeficijent za usklađivanje = 1 (jedan),
 - Osnovica za isplatu mjesečnih novčanih primanja korisnika boračko - invalidske zaštite (867,50 KM X 1 = 867,50 KM) = 867,50 KM,
 - Osnovica za korisnike civilnih žrtava rata (867,50 KM X 70 % = 607,25 KM) = 607,25 KM.
- d) Sredstva za isplatu novčanih davanja i iznosa po osnovu zaštite civilnih žrtava rata obezbjeđuju se: za ličnu invalidninu u omjeru 70% iz Federalnog budžeta i 30% iz Budžeta Kantona po Zakonu o izmjenama i dopunama Zakona o osnovama

socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 14/09), a za dodatak za njegu i pomoć od drugog lica, ortopedski dodatak i porodičnu invalidninu iz Federalnog budžeta (50%) i Kantonalnog budžeta (20%) po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18), (u daljem tekstu: Federalni zakon).

II - SOCIJALNA ZAŠTITA

Član 2.

1. Stalna novčana pomoć

a) Iznos najnižeg primanja domaćinstva koji se smatra dovoljnim za izdržavanje jednočlanog domaćinstva je 30% prosječne neto plaće - 225,00 KM, koji se za svakog narednog člana domaćinstva uvećava za 20% ovog iznosa - 45,00 KM.

b) Za domaćinstva iz člana 18. stav 2. Zakona, iznos najnižeg primanja domaćinstva koji se smatra dovoljnim za izdržavanje jednočlanog domaćinstva se uvećava za 20% ovog iznosa - 45,00 KM.

c) Iznos stalne novčane pomoći za jednog člana domaćinstva iznosi 225,00 KM, a za svakog narednog člana domaćinstva se uvećava za 45,00 KM.

d) Za osobe iz člana 19. stav 2. Zakona, iznos stalne novčane pomoći uvećava se za 67,50 KM.

e) U smislu člana 20. Zakona 60% prosječne neto plaće iznosi 450,00 KM, a 20% 150,00 KM.

2. Novčana naknada za pomoć i njegu od strane druge osobe

Visina novčane naknade za pomoć i njegu od strane druge osobe u smislu člana 27. Zakona, pod uvjetom da prihod po članu domaćinstva ne prelaze 40% prosječne neto plaće (300,00 KM) iznosi 112,50 KM

3. Druge materijalne pomoći

Jednokratna novčana pomoć dodjeljuje se korisniku u okviru jednog domaćinstva najviše tri puta u toku kalendarske godine, u ukupnom iznosu koji ne prelazi visinu izuzetne novčane pomoći iz člana 34. Zakona.

a) Jednokratna novčana pomoć se dodjeljuje do visine 20% prosječne neto plaće 150,00 KM

b) Izuzetna novčana pomoć se dodjeljuje do visine 40% prosječne neto plaće 300,00 KM

4. Osposobljavanje za život i rad

Novčana naknada za vrijeme čekanja na zaposlenje u smislu čl. 42. i 44. Zakona iznosi 150,00 KM

5. Smještaj u hraniteljsku porodicu

Zakon o hraniteljstvu u Federaciji BiH ("Službene novine Federacije BiH", broj 19/17) (u daljem tekstu: Zakon o hraniteljstvu)

5.1. Hraniteljska naknada

Osnovica za utvrđivanje iznosa hraniteljske naknade u skladu sa Zakonom o hraniteljstvu je prosječna neto plaća isplaćena u Federaciji BiH prema objavljenom podatku Federalnog zavoda za statistiku za prethodnu godinu i za 2021. godinu iznosi 996,00 KM ("Službene novine Federacije BiH", broj 14/22).

a) Mjesečna naknada hranitelju po jednom hranjeniku iznosi 17,27% od prosječne neto plaće isplaćene u FBiH u 2021. godini (996,00 KM), što iznosi 172,00 KM i uvećava se za svakog narednog hranjenika za 15%, što iznosi 25,80 KM (član 32. stav (3) Zakona o hraniteljstvu).

b) Mjesečna naknada hranitelju koji obavlja specijalizovano hraniteljstvo iznosi 30% od prosječne neto

plaće isplaćene u FBiH u 2021. godini (996,00 KM) što iznosi 298,80 KM i uvećava se za 20% za svakog narednog hranjenika, što iznosi 59,76 KM (član 32. stav (4) Zakona o hraniteljstvu).

c) Mjesečna naknada za hranitelja koji istovremeno obavlja tradicionalno i specijalizovano hraniteljstvo utvrđuje se na način da se kao polazna osnovica uzima mjesečna naknada za specijalizovano hraniteljstvo koja iznosi 298,80 KM i uvećava se za 15% za hranjenika korisnika tradicionalnog hraniteljstva što iznosi 44,82 KM, odnosno za 20% za hranjenika korisnika specijalizovanog hraniteljstva što iznosi 59,76 KM (član 32. stav (5) Zakona o hraniteljstvu)

d) Hranitelj koji obavlja srodničko hraniteljstvo ima pravo na hraniteljsku naknadu, pod uvjetom da između hranjenika i hranitelja ne postoji obaveza izdržavanja prema Porodičnom zakonu Federacije BiH (član 32. stav (6) Zakona o hraniteljstvu).

5.2. Naknada za izdržavanje hranjenika

Osnovica za utvrđivanje iznosa naknade za izdržavanje hranjenika u skladu sa Zakonom o hraniteljstvu je prosječna isplaćena neto plaća u Federaciji prema objavljenom podatku Federalnog zavoda za statistiku za prethodnu godinu i za 2021. godinu iznosi 996,00 KM ("Službene novine Federacije BiH", broj 14/22).

- Iznos mjesečne naknade za izdržavanje hranjenika za tradicionalno hraniteljstvo iznosi 30,52% od prosječne neto plaće isplaćene u FBiH u 2021. godini (996,00 KM), što iznosi 304,00 KM (član 34. stav (3) Zakona o hraniteljstvu).
- Iznos mjesečne naknade za izdržavanje hranjenika za specijalizovano hraniteljstvo iznosi 50% od prosječne neto plaće isplaćene u FBiH u 2021. godini (996,00 KM), što iznosi 498,00 KM (član 34. stav (3) Zakona o hraniteljstvu).

6. Smještaj u javne ustanove socijalne zaštite u Kantonu Sarajevo

Cijena usluga koje pruža socijalna ustanova utvrđena je Zaključkom Vlade Kantona Sarajevo posebno za svaku ustanovu.

7. Kućna njega i pomoć u kući

Kućna njega i pomoć u kući odobrava se u skladu sa članom 59. do zaključno sa članom 63. Zakona, a iznos je utvrđen Zaključkom Vlade Kantona Sarajevo.

8. Zdravstvena zaštita

Zdravstvena zaštita za korisnike stalne novčane pomoći i lica iz člana 146. Zakona, po prijavljenom licu iznos 20,00 KM

III - ZAŠTITA CIVILNIH ŽRTAVA RATA

Član 3.

U skladu sa Instrukcijom Federalnog ministarstva rada i socijalne politike broj 06-37/3-2195/20-AK od 28.09.2020. godine vršit će se isplata novčanih naknada kako slijedi:

1. Lična invalidnina

Lična invalidnina utvrđuje se u mjesečnom iznosu prema grupi oštećenja organizma u visini od 70% od mjesečnog iznosa lične invalidnine vojnog invalida odgovarajuće grupe po propisima o vojnim invalidima odgovarajuće grupe po propisima iz Zakona o pravima branilaca i članova njihovih porodica, izuzev za lica iz člana 54. stav (3) Federalnog zakona, kako slijedi:

- I grupa CŽR sa 100% oštećenja organizma 607,25 KM
- II grupa CŽR sa 100% oštećenja organizma 443,30 KM
- III grupa CŽR sa 90% oštećenja organizma 333,99 KM
- IV grupa CŽR sa 80% oštećenja organizma 261,12 KM
- V grupa CŽR sa 70% oštećenja organizma 194,32 KM

VI grupa CŽR sa 60% oštećenja organizma 109,30 KM
Mjesečno lično novčano primanje za lica iz člana 54. stav (3) Federalnog zakona, prema članu 59. stav 2. istog Zakona iznosi 70% od osnovice za isplatu mjesečnih novčanih primanja korisnika boračko - invalidske zaštite, i iznosi 607, 25 KM

2. Dodatak za njegu i pomoć od strane drugog lica

Dodatak za njegu i pomoć od strane drugog lica za civilne žrtve rata od I do IV grupe invalidnosti koji su nesposobni za vršenje osnovnih životnih potreba bez pomoći drugog lica utvrđuje se u mjesečnom iznosu u visini od 70% od mjesečnog iznosa dodatka za njegu i pomoć od strane drugog lica za ratne vojne invalide odgovarajućeg stepena invalidnosti, kako slijedi:

Dodatak za njegu i pomoć I stepena 100% 607,25 KM

Dodatak za njegu i pomoć II stepena 70% 425,08 KM

Dodatak za njegu i pomoć III stepena 50% 303,63 KM

3. Ortopedski dodatak

Ortopedski dodatak utvrđuje se u mjesečnom iznosu u visini od 70% od mjesečnog iznosa ortopedskog dodatka za ratne vojne invalide odgovarajućeg stepena invalidnosti, kako slijedi:

Ortopedski dodatak I stepena 29% 176,11 KM

Ortopedski dodatak II stepena 22% 133,60 KM

Ortopedski dodatak III stepena 17% 103,24 KM

4. Porodična invalidnina

Osnovica za određivanje porodične invalidnine iznosi 70% od osnovice za određivanje porodične invalidnine za porodice šehida, odnosno poginulog borca, kako slijedi:

Za jednog člana porodice 43% (član 65) 261,12 KM

Za dva člana porodice 55% (član 65) 333,99 KM

Za tri člana porodice 60% (član 65) 364,35 KM

Za četiri i više članova porodice 65% (član 65) 394,72 KM

5. Zdravstvena zaštita po prijavljenom licu 20,00 KM.

IV - ZAŠTITA PORODICE SA DJECOM

Član 4.

1. Dodatak na djecu

a) Maksimalan prihod korisnika po članu domaćinstva kao uslov za ostvarivanje prava na dodatak na djecu (20% od prosječne neto plaće, član 133. stav 1. Zakona) 150,00 KM

b) Iznos dodatka na djecu (7% od prosječne neto plaće, član 133. stav 2. Zakona) 52,50 KM

c) Iznos uvećanog dodatka na djecu (član 136. stav 2. Zakona) 78,75 KM

d) Iznos uvećanog dodatka na djecu za troje ili više djece, bez cenzusa, za svako dijete (član 136. stav 3. Zakona) 57,75 KM

e) Iznos uvećanog dodatka na djecu (član 136. st. 2. i 3. Zakona) 86,63 KM

2. Naknada plaće ženi majci u radnom odnosu

a) Naknada plaće ženi majci u radnom odnosu ne može biti manja od prosječne plaće u Federaciji Bosne i Hercegovine za prethodnu godinu koja se utvrđuje na osnovu posljednjeg objavljenog statističkog podatka Federalnog zavoda za statistiku za prethodnu godinu, koji prema Saopćenju o prosječnoj isplaćenoj mjesečnoj neto plaći zaposlenih u Federaciji Bosne i Hercegovine za 2021. godinu ("Službene novine Federacije BiH", broj 14/22) iznosi 996,00 KM

b) Na iznos naknade plaće ženi majci iz člana 149. stav 1. Zakona uplaćuju se doprinosi za PIO7MIO, zdravstvo i osiguranje od nezaposlenosti, te poreske obaveze iz člana 150. Zakona, a prema Odluci o iznosu najniže plaće za 2022. godinu ("Službene novine Federacije BiH", broj 3/22), najniža plaća za

period 01.01.2022. do 31.12.2022. godine utvrđena je u neto iznosu od 543,00 KM

c) Osnov za uplaćivanje doprinosa za PIO/MIO, zdravstvo i osiguranje od nezaposlenosti, te poreske obaveze (član 149. stav 2. Zakona) je 543,00 KM

d) Osnov za uplaćivanje doprinosa za PIO/MIO, zdravstvo i osiguranje od nezaposlenosti, te poreske obaveze, za polovinu punog radnog vremena kad žena majka neradi (član 153. Zakona-žena majka koja u skladu sa propisima o radu radi sa polovinom radnog vremena) je 543,00 KM

e) Visina naknade plaće ženi majci koja rodi mrtvo dijete ili dijete umre prije isteka porodijskog odsustva ostvaruje se u iznosu prosječne plaće. 750,00 KM

3. Novčana pomoć ženi majci koja nije u radnom odnosu

a) Novčana pomoć ženi majci koja nije u radnom odnosu ne može biti manja od prosječne plaće u Federaciji Bosne i Hercegovine za prethodnu godinu koja se utvrđuje na osnovu posljednjeg objavljenog statističkog podatka Federalnog zavoda za statistiku za prethodnu godinu, koji prema Saopćenju o prosječnoj isplaćenju mjesečnoj neto plaći zaposlenih u Federaciji Bosne i Hercegovine za 2021. godinu ("Službene novine Federacije BiH", broj 14/22) iznosi 996,00 KM

b) Visina novčane pomoći ženi majci koja rodi mrtvo dijete ili dijete umre u toku korištenja prava - u trajanju od 45 dana nakon smrti djeteta ostvaruje se u iznosu 30% prosječne plaće 225,00 KM

4. Jednokratna pomoć za opremu novorođenog djeteta (50% od prosječne plaće) 375,00 KM

5. Dodatna novčana pomoć na ime prehrane djeteta ne može biti manja od 8% prosječne plaće i iznosi 60,00 KM

6. Smještaj djece u ustanovama predškolskog odgoja

Visina prihoda po članu domaćinstva vezano za ostvarivanje prava na subvencioniranje troškova boravka djeteta u predškolskoj ustanovi, (35% od prosječne plaće) 262,50 KM

7. Zdravstvena zaštita korisnika dječijeg dodatka 20,00 KM

8. Zdravstvena zaštita po prijavljenom djetetu iz čl. 146. Zakona 20,00 KM

Član 5.

Danom stupanja na snagu ove instrukcije prestaje da važi Instrukcija o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodica sa djecom ("Službene novine Kantona Sarajevo", br. 17/21 i 4/22).

Član 6.

Ova instrukcija stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.03.2022. godine.

Broj 13-04/2-02-11543/22

18. marta 2022. godine

Sarajevo

Ministrica

Ivana Prvulović, s. r.

Ministarstvo za odgoj i obrazovanje Kantona Sarajevo

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministrica za odgoj i obrazovanje Kantona Sarajevo donosi

PRAVILNIK

O STAVLJANJU VAN SNAGE PRAVILNIKA O FORMIRANJU I RADU KOMISIJE ZA PROVOĐENJE PROCEDURE PO JAVNOM POZIVU ZA DODJELU SREDSTAVA NEPROFITNIM ORGANIZACIJAMA I UDRUŽENJIMA NAMIJENJENIH FINANSIRANJU/SUFINANSIRANJU PROJEKATA IZ OBLASTI ODGOJA I OBRAZOVANJA IZ BUDŽETA KANTONA SARAJEVO SA POZICIJE MINISTARSTVA ZA ODGOJ I OBRAZOVANJE KANTONA SARAJEVO

Član 1.

(Predmet)

Stavlja se van snage Pravilnik o formiranju i radu Komisije za provođenje procedure po javnom pozivu za dodjelu sredstava neprofitnim organizacijama i udruženjima namijenjenih finansiranju/sufinansiranju projekata iz oblasti odgoja i obrazovanja iz Budžeta Kantona Sarajevo sa pozicije Ministarstva za odgoj i obrazovanje Kantona Sarajevo ("Službene novine Kantona Sarajevo", broj 25/21).

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-02-5879/22

14. marta 2022. godine

Sarajevo

Ministrica

Naida Hota-Muminović, s. r.

Ministarstvo za nauku, visoko obrazovanje i mlade Kantona Sarajevo

Na osnovu člana 56. Zakona o organizaciji organa uprave u Federaciji BiH ("Službene novine Federacije BiH", broj 35/05), člana 12 stav (1) Zakona o naučnoistraživačkoj djelatnosti ("Službene novine Kantona Sarajevo", broj 26/16) i Odluke o osnivanju Savjeta za nauku Kantona Sarajevo ("Službene novine Kantona Sarajevo", broj 20/21), ministrica za nauku, visoko obrazovanje i mlade Kantona Sarajevo donosi

ODLUKU

O IZMJENI ODLUKE O OSNIVANJU SAVJETA ZA NAUKU KANTONA SARAJEVO

I

U Odluci o osnivanju Savjeta za nauku Kantona Sarajevo ("Službene novine Kantona Sarajevo", broj 20/21) u članu 2. stav (1) tačka 7. riječi: "Prof. dr. Ermin Bravo, Univerzitet u Sarajevu, Akademija scenskih umjetnosti, član", zamjenjuju se riječima: "Prof. dr. Jasmina Talam, Univerzitet u Sarajevu, Muzička akademija, član".

Ostali dio teksta ostaje nepromijenjen.

II

Ova Odluka stupa na snagu danom donošenja a objavit će se u "Službenim novinama Kantona Sarajevo".

Broj 27-02-04-14088-6.3/21

23. marta 2022. godine

Sarajevo

Ministrica

Prof. dr. Aleksandra Nikolić, s. r.

GRAD SARAJEVO

Gradsko vijeće

Na osnovu člana 26. stav 1. tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 16. stav 2. Odluke o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 28/19), Gradsko vijeće Grada